



Sulisitsisup akiligaanik angalanerit akileraaruserneqartarnerat

Ilitsersuut



Aallaqqaasiut

Akiliunneqarluni angalanerit akileraaruserneqartarnerat pillugu maleruagassat nutaat Inatsisartut Inatsisartut inatsisaatigut nr. 72, 20. november 2023-meersukkut akuersissutigaat. Maleruagassat ukioq aningaasarsiorfik 2024 aallarnerfigalugu atuutilerput.

Akileraartarnermi maleruagassat angalanernut sulisitsisup akiligaanut atuuttut ilitsersuummi uani nassuiarneqarput. Ilitsersuut sulisitsisumit sulisumillu atorneqarsinnaavoq.

Ilitsersuummik atuisinnaasut aamma tassaapput inuit siulersuisuni, ataatsimiititaliani, isumalioqatigiissitani, siunnersuisoqatigiinni, aalajangiisartuni allatulluunniit ataatsimooqatigiinni, matumani aamma Naalakkersuisuni, Inatsisartuni kommunalbestyrelsenilu ilaasortatut qinigaasimasut, taakkunungaluunniit ikiortitut toqqagaasimasut.

Taaguut "sulisitsisoq" ilitsersuummi uani tassaavoq kinaluunniit sulisitsisoq, suliakkiisoq, peqatigiiffik, aktieselskabi, aningaasaateqarfik, kommuni, suliffeqarfik, siunnersuisoqatigiit, aalajangiisartut il.il., aningaasarsianik A-nik¹, akileraartarnermut inatsimmi² § 75, imm. 1-imi 2-milu taaneqartunik tunniussinermini unerartitsisussaataasooq.

Ilitsersuummi siulliullugit allaaserineqarput sulisitsisup akiligaanik angalanerit akileraaruserneqartarneranni maleruagassat assigiinngitsut.

Sulisitsisup akiligaanik sulinngiffeqarluni angalanernut tunngatillugu aningaasartuutit pillugit illit sulisitsisutut qanoq iliornissat quppernermi 19-imi allaaserineqarpoq.

¹ Sulisitsisup akiligaanik angalanerit *akileraaruteqaataasussat* Inatsisartut inatsisaat nr. 11, 1. december 2021-meersoq naapertorlugu tassaapput aningaasarsiat A-t. Aalajangersagaq taanna ulloq 1. januar 2023-miit ortuulerpoq, ukiorlu aningaasarsiorfik 2023 aallarnerfigalugu atuulluni.

² Inatsimmut innersuussinerit tamarmik, oqaasertami allatut allasimasooqanngippat Aningaasarsianit akileraarutit pillugit Inatsisartut inatsisaannut (kingusinnerusukkut allanngutai ilanngullugit) innersuussinerupput.

Imarisaasa allassimaffiat

1. Maleruagassaq pingaarneq 6

1.1. Angalanermut aningaasartuutit akileraaruteqaataasussaangitsut

immikkoortinneqarneri..... 6

1.2 Sulinngiffeqarnermi angalanerit aamma suliamut atatillugu angalanerit

akileraartarnikkut assigiinngissutaat 7

Assersuut: Sulinngiffeqarnermi Nuummiit Kretamut akiliunneqarluni angalaneq Københavnimi

unnuinertalik 7

Assersuut: Sulinngiffeqarnermi Ilulissaniit Manillamut akiliunneqarluni angalaneq Københavnimi

Amsterdamimilu unnuinertalik 8

1.2.1 Angalanerit suliamut atatillugu angalaneruutigalutik sulinngiffeqarnermi angalanerit..... 8

Assersuut: Suliamut atatillugu Københavnimut angalareerluni sulinngiffeqarnermi Københavnimiit

Kretamut akiliunneqarluni angalaneq 8

2. Sulisup sulinngiffeqarnermi angalanera sulisitsisup

akileraangagu 9

3. Sulisup ilaquataasa sulinngiffeqarnermi angalanerat sulisitsisup

akileraangagu 9

3.1 Pineqartunut ilaatinneqanngitsut: Angalanerit maleruagassat tjenestemandinut atuuttut

malillugit akilerneqartut, matumani ilanngullugit angalanerit feriefondinit akilerneqartut . 10

Assersuut: Angajoqqaat tamarmik sulinngiffeqarnermi, 3.1-imi 3.1.1-imiluunniit maleruagassat

atuuttut malillugit sulisitsisuminnit akiliunneqarlutik angalasinnaasut 10

Assersuut: Sulinngiffeqarnermi ilaquuttat 18-ileereersut ilagalugit akiliunneqarluni angalanerit

immikkoortoq 3.1-imi maleruagassat malillugit tunniunneqartut..... 11

3.1.1 Angalanerit feriefondinit akilerneqartut 12

3.2 Ilaquttat angalanerisa sulisitsisumit akilerneqartut akileraarutitigut nalingat	12
3.2.1 Naliliussatut aalajangersakkat malillugit akileraarusiisarneq	12
<i>Assersuut: Sulinngiffeqarnermi Qaanaamiit KBH-imut akiliunneqarluni angalaneq (ilaquttat angalanerannut aningaasartuutit akileraaruteqaataasussaapput).....</i>	<i>13</i>
3.2.1.1 Naliliussatut aalajangersakkat allanut atorneqartarnerat: Aningaasartuutit sulisitsisup uppersaattissaqartinngippagit	13
3.2.2 Angalanerup akivia malillugu akileraarusiisarneq	13
<i>Assersuut: Sulinngiffeqarnermi Qaqortumiit Nuummumt akiliunneqarluni angalaneq (ilaquttat angalanerannut aningaasartuutit akileraaruteqaataasussaapput).....</i>	<i>14</i>
3.3 Angalanerit pineqartunut ilaatinneqanngitsut, immikkoortoq 3.1-imi taaneqartut akileraarutitigut nalingat, taakkununggalu immikkut maleruagassat	14
3.3.1: Ilaqutaasup akiliunneqarluni angalanera akileraaruteqaataasussaanngitsoq qanoq akeqarsinnaava?	15
3.3.1.1 Kalaallit Nunaata iluani angalanerit.....	15
<i>Assersuut: Kalaallit Nunaata iluani siummumt utimullu angalaneq</i>	<i>15</i>
3.3.1.1.1 Kalaallit Nunaat qimannagu sulinngiffeqarneq pillugu immikkut maleruagassaq	15
<i>Assersuut: Ilaqutariit Petersenikkut Paamiuneersut sulinngiffeqarnermi sulisitsisup akiligaanik Nuummumt angalapput.....</i>	<i>15</i>
<i>Assersuut: Ilaqutariit Lyngekktut Aasianneersut sulinngiffeqarnermi sulisitsisup akiligaanik Sisimiunumt angalapput.....</i>	<i>16</i>
3.3.1.2 Kalaallit Nunaanniit nunanut allanut toqqaannartumik angalanerit	17
<i>Assersuut: Ilaqutariit akiliunneqarlutik angalaneranni billetsit akisunerit sulisitsisumit akilerneqartut.....</i>	<i>17</i>
3.3.2. Sulisup ilaqutaasa sulisitsisup akiligaanik angalanerat ilaannakuusumik akileraaruteqaataasussaanngitsoq	17
4. Atorfinikkiartornermi soraarnermilu angalanerit	18
4.1. Allamut nuutsinneqarnermi angalanerit	19
<i>Assersuut: Nuummiit Ilulissanut nuutsinneqarnermut atatillugu angalaneq</i>	<i>19</i>

5. Qanigisat napparsimarulunneranni toquneranniluunniit angalanerit 19

Assersuut: Ilaquttap qaniginerpaasap napparsimarulunnerani angalaneq..... 19

6. Angalanernut sulisitsisumit akilerneqartunut aningaasartuutit

akileraaruteqaataasussat pillugit sulisitsisup suliassai 20

6.1. Piffissaq akileraarusiiffissaq 20

*Assersuut: Sulinnigiffeqarnermi angalaneq november 2023-mi akilerneqartoq, aatsaalli 2024-mi pisoq
..... 20*

*Assersuut: Sulinnigiffeqarnermi angalaneq 31. december 2023-mi akilerneqartoq, aatsaalli 2024-mi
pisoq..... 21*

Assersuut: Sulisut siumoortunik akissarsiallit sulinnigiffeqarnermi angalanerat..... 21

6.2. Angalanermut aningaasartuutit nalingisa Akileraartarnermut Aqutsisoqarfimmut

nalunaarutigineqarneranni uppersaatissat 21

6.3. Sulisitsisoq angalanermut aningaasartuutinik akileraaruteqaataasussanik

nalunaaruteqanngippat, akileraarutitaannillu akiliinngippat kingunerisassai 22

7. Attavissat pillugit paasissutissat 23

1. Maleruagassaq pingaarneq

Sulisitsisup akiligaanik angalaneq

- **Namineq angalanerit:**

Sulisup namineq angalaneranut aningaasartuutit sulisitsisumit akilerneqartut akileraaruteqaataasussaangillat.

Tassani pineqarput namminermt tunnganerusumik angalanerit, soorlu sulisup sulinnigiffeqarnerani, sulinnikkallarnerani imaluunniit qaangiuttoornerisuteqarnissamut taarsiullugu sulinnigiffeqarnerani.

- **Suliamut atatillugu angalanerit:**

Suliamut atatillugu angalanerit akileraaruteqaataasussaangillat. Inuussutissarsiornermut atatillugu angalaneq tassaavoq inuussutissarsiornermut tunnganerusumik angalaneq, soorlu niuernermt atasumik angalaneq, pikkorissarnissaq siunertaralugu angalaneq assigisaaluunniit.

- **Angerlarsimaffiup suliffiullu akornanni angalaneq:**

Sulisup angerlarsimaffiata suliffiullu akornanni angalanermt aningaasartuutit nalinginnaasut sulisitsisup akilerpagit, aningaasartuutit taakku sulisumut akileraaruteqaataasussaapput.

Tamatumanimi pineqarpoq suliartorluni sulereerlunilu angerlarluni nalinginnaasumik angalaneq – imaangitsoq aallarluni angalaneq.

Sulisup ilaquataasa sulisitsisup akiligaanik angalanerat

Sulisitsisoq sulisup saniatigut allat, soorlu sulisup inooqataata qitornaasaluunniit angalanerannut aningaasartuutit akiliippat, taava aningaasartuutit taakku sulisumut akileraaruteqaataasussaassapput. Maleruagassamili tassani pineqartunut ataasiakkaanik ilaatinneqanngitsoqarpoq. Pineqartunut ilaatinneqanngitsut pillugit annertunerumik paasisaqarfigisinnaavatit immikkoortoq 3.0, ilaqtat akiliunneqarlutik angalanerannut tunngasoq kiisalu immikkoortoq 4.0, atorfinikkiartornermi soraarnermilu angalanermt tunngasoq.

1.1. Angalanermt aningaasartuutit akileraaruteqaataasussaangitsut immikkoortinneqarneri

Sulinnigiffeqarnermi angalanerup sulisitsisumit akilerneqartup ilaa akileraaruteqaataasussaangitsoq taamaallaat tassaavoq timmisartumut billetsu kiisalu timmisartut angallannerat pilersaarutaasoq pissutigalugu unnuisariaqarneq. Kingullertut taaneqartoq soorlu tassaasinnaavoq angalanerup ilaatut Kangerlussuarmi Nuummiluunniit unnuisariaqarneq.

Taakku saniatigut aningaasartuutit allat, soorlu akunnittarfik, biilnik attartorneq, taxarneq, qimuttuitsorneq, aasarsiorarfimmik attartorneq, angalaqatigiinnut ilaalluni angalaneq akunnittarfik ilanngullugu ilanngunnaguluunniit tamakkulu assigisaat sulisitsisup akilerpagit, taava aningaasartuutit taakku sulisumut akileraaruteqaataassapput.

1.2 Sulinngiffeqarnermi angalanerit aamma suliamut atatillugu angalanerit akileraartarnikkut assigiinngissutaat

Angalanermut aningaasartuutit suut akileraaruteqaataasussaanninnerannut aningaasartuutillu suut akileraaruteqaataasussaannerannut maleruagassat assigiinngillat. Angalanerup suunera tamatumani aalajangiisuulluinnarpoq.

- Inuussutissarsiornermut atatillugu angalanerit (suliamut atatillugu angalanerit) sulisup, soorlu angalanermut, unnuinermut assigisaannullu aningaasartuutigisai uppersaatillit sulisitsisup utertissinnaavai. Tamanna aamma nerisanut il.il. aningaasartuutinut atuuppoq, aatsaalli maleruagassat tjenestemandinut atuuttut malillugit ullormusiaqartitsisoqanngippat. Allatut oqaatigalugu, angalanerit nerisat ineqarnerlu sulisitsisup akilissavai. Aningaasartuutit taakku sulisumut akileraaruteqaataassanngillat, suliamummi atatillugu angalanermut tunngassuteqaramik.
- Kisianni sulinngiffeqarluni angalanerit sulisitsisumit akilerneqartunut tunngatillugu maleruagassaq alla, immikkoortoq 1.0-imi aamma allaaserineqartoq atuuppoq. Sulinngiffeqarluni angalanerit sulisitsisumit akilerneqartut saniatigut aningaasartuutit allat, soorlu akunnittarfik imaluunniit biilnik attartorneq akileraaruteqaataassapput. Angalanerit sulisitsisup akiligaani taamaattuni akileraaruteqaataasussaannigitsut taamaallaat tassaapput angalanermut (timmisartornermut umiarsuarnermullu billetsit) aamma angallanneq pilersaarutaasoq pissutigalugu unnuisariaqarnermut aningaasartuutit.

Assersuut: Sulinngiffeqarnermi Nuummiit Kretamut akiliunneqarluni angalaneq Københavnimi unnuinertalik

- Sulisitsisup sulisumi sulinngiffeqarnermi angalanerit akilerpaa. Nuummiit Kretamut angalaneq angallannerup pilersaarusiugaaneramik pissuteqartumik Københavnimi unnuinertaqarpoq. Timmisartornermut billetsit Københavnimilu unnuineq katillugit 14.000 kr.-inik akeqarpoq. Nuummiit Kretamut uterlugulu billetsimut Københavnimilu unnuinermut aningaasartuutit akileraaruteqaataassanngillat.
- Taakku saniatigut aningaasartuutit sulisitsisup aamma akilerpai, tassa angalanerit nerisanut 800 kr.-it, Kretamilu akunnittarfimmiinnermut 3.000 kr.-it aamma biilnik attartornermut il.il. 1.500 kr.-it. Aningaasartuutit taakku katillugit 5.300 kr.-iupput, sulisumullu aningaasarsiaallutik A-t akileraaruteqaataasussat, taamaammallu sulisup aningaasarsiaanut akileraaruteqaataasussanut ilanngunneqassallutik.

Assersuut: Sulinngiffeqarnermi Ilulissaniit Manillamut akiliunneqarluni angalaneq K benhavnimi Amsterdamimilu unnuinertalik

- o Sulisitsisup sulisumi sulinngiffeqarnermi Ilulissaniit Filippinerinut uterlugulu angalanera – K benhavnimi Amsterdamimilu unnuinertalik - akilerpaa.
- o Ilulissaniit K benhavnimut uterlugu billetsimut aningaasartuutit sulisumut akileraaruteqaataasussaangillat.
- o K benhavnimi Amsterdamimilu unnuinernut aningaasartuutit sulisumut akileraaruteqaataasussaangillat, tamarmimmi angallannerup pilersaarusiugaaneramik pissuteqartumik unnuisariaqarnerummata.

1.2.1 Angalanerit suliamut atatillugu angalaneruutigalutik sulinngiffeqarnermi angalanerit

Angalanerit sulisitsisumit akilerneqartut ilaat suliamut atatillugu angalaneruutigalutik sulinngiffeqarluni angalanerusarput. Imaassinnaavoq angalanerup allaqqaataa suliamut atatillugu angalanerusoq (pikkorissarneq/ataatsimiinnerit assigisaalluunniit), naggataalu sulinngiffeqarluni angalanerulluni. *Angalanernut akuleriissunut* taakkununga akileraartarnermi maleruagassat assigiinngitsut atuupput.

Angalanernut akuleriinnut tunngaviatigut makku atuupput:

- o Sulisitsisup angalanerup ilaanut suliamut tunngassuteqartumut atatillugu aningaasartuutininik, soorlu biilinik attartornermut, unnuinermut, nerisanut assigisaannullu akiliinera sulisumut akileraaruteqaataasussaangilaq.
- o Biilinik attartornermut assigisaannullu aningaasartuutit angalanerup ilaanut sulinngiffeqarluni angalanerusumut tunngassuteqartut sulisitsisup akilerpagit, sulisup aningaasartuutit taakku akileraaruteqaatigissavai. Allatut oqaatigalugu, aningaasartuutit taakku sulisumut akileraaruteqaataassapput. Taamaattorli sulinngiffeqarluni angalanerimi timmisartumut billetsimut aningaasartuutit sulisumut akileraaruteqaataassangillat.

Assersuut: Suliamut atatillugu K benhavnimut angalareerluni sulinngiffeqarnermi K benhavnimiit Kretamut akiliunneqarluni angalaneq

- o Sulisitsisup sulisuni suliamut atatillugu Danmarkimut aallartippaa. Sulisup angalanera, unnuinera biilinillu attartorneq sulisitsisup akilerpai. Aningaasartuutit taakku sulisumut akileraaruteqaataasussaangillat. K benhavnimi ullut 4-t ataatsimiittaqaataareernerup kingorna sulisoq K benhavnimiit Kretamut sapaatip akunnera ataaseq sulinngiffeqarluni angalavoq. Timmisartumut billetsit (2.000 kr) kiisalu Kretami sapaatip akunnerani ataatsimi akunnittarfimmiinneq (3.000 kr.) biilinillu attartorneq (1.500 kr) sulisitsisup akilerpai. Pisumi tassani Kretamut timmisartumut billetsit sulisumut akileraaruteqaataasussaangilaq, kisianni akunnittarfimmiinnermut biilinillu attartornermut aningaasartuutit aningaasarsiaapput A-t akileraaruteqaataasussat, taamaammallu sulisup aningaasarsiaanut akileraaruteqaataasussanut ilanngunneqartussaallutik.

Sulisitsisup timmisartumut billetsinut aammalu angallannerup pilersaarusiugaanerani
pissuteqartumik unnuisoqarsimappat aningaasartuutaanut tunngatillugu akileraartarnermi
maleruagassat kisiisa immikkoortumi tulliuttumi allaaserineqarput.

Timmisartumut aamma angallannerup pilersaarusiugaaneraniq pissuteqartumik unnuinermut aningaasartuutit kinguliini taagorneqarput ”angalanermut aningaasartuutit”.

2. Sulisup sulinngiffeqarnermi angalanera sulisitsisup akileraangagu

Sulisitsisumit akiliunneqarluni sulinngiffeqarnermi angalanermut aningaasartuutit akileraaruteqaataasussaannqillat. Tamanna ima paasineqassaaq, sulisup angalanera sunaluunniit sulisitsisumit akilerneqartoq sulisumut akileraaruteqaataasussaannqitsoq.

Tamanna sulisumut atuuppoq, sulisulli ilaqutaanut atuugani. Tamanna immikkoortoq 3.0-imi erseqqinnerusumik nassuiarneqarpoq.

3. Sulisup ilaqutaasa sulinngiffeqarnermi angalanerat sulisitsisup akileraangagu

Maleruagassaq pingaarneq:

Sulisup ilaqutaasa sulisitsisup akiligaanik angalanerannut aningaasartuutit sulisumut akileraaruteqaataasussaapput.

Assersuut: Sulisup ilaqutaasa sulinngiffeqarnermi akiliunneqarlutik angalanerat akileraaruteqaataasusaaq

Sulisup, taassuma inooqataata qitornaasalu 3-t angalanerat sulisitsisup akilerpaa. Pisumi tassani aappaasup qitornallu 3-t angalanerannut aningaasartuutit sulisup aningaasarsiaanut A-nut akileraaruteqaataasussanut ilanngunneqassapput.

Tassa imaappoq sulisoq maleruagassat immikkoortuni 3.2-mi aamma **3.3**-mi allaaserineqartut malillugit akileraarusiiffiqineqassaaq.

3.1 Pineqartunut ilaatinneqanngitsut: Angalanerit maleruagassat tjenestemandinut atuuttut malillugit akilerneqartut, matumani ilanngullugit angalanerit feriefondinit akilerneqartut

Maleruagassami pingaarnermi qulaani taaneqartumi pineqartunut ilaanngitsogarpoq:

Sulisup piumasaqaatit aalajangersimasut eqquutsippagit, maleruagassat tjenestemandinut atuuttut malillugit ukiumut ataasiarluni ilaqttani ilagalugit sulinnigiffeqarnermi akiliunneqarlutik angalasinnaatitaapput.

Ilaquttanik oqarnermi matumani pineqarput:

- Inooqat sulisup najugaqatigisaa.
- Qitornat 18-it inorlugit ukiullit sulisup inoqutai.³

”Maleruagassat tjenestemandinut atuuttut”-nik oqarnermi matumani pineqarpoq sulisup piumasaqaatit aalajangersimasut eqquutsissagai.

Sulisoq sulinnigiffeqarnermini ilaqttani ilagalugit ukiumut ataasiarluni akiliunneqarluni angalasinnaassaguni piumasaqaatinik makkuninnga eqquutsitsissaaq:

1. Sulisoq ukiumi ataatsimi atorfeqarsimassaaq.
2. Sulisoq inooqatimi sulinnigiffeqarnerani, taassuma sulisitsisuanit akiliunneqarluni angalasimassanngilaq.
3. Angalanermi ornitaq maleruagassanik immikkoortoq 3.3-mi allaaserineqartunik eqquutsitsissaaq.

Assersuut: Angajoqqaat tamarmik sulinnigiffeqarnermi, 3.1-imi 3.1.1-imiluunniit maleruagassat atuuttut malillugit sulisitsisuminnit akiliunneqarlutik angalasinnaasut

Takorluukkit ilaqtariit Olsenikkut. Tassaapput Pipaluk, Suluk aamma meeqqat 3-t 18-it inorlugit ukiullit.

³ Taamaammat sulisup angajoqqaavi, sulisup qitornaasa aappaat, akkak, angak, atsak, ajak, illoq il.il. aalajangersakkami pineqartunut ilaanngillat. Sulisitsisup inuit taakku akiliuppagit, taava aningaasartuutit sulisumut TAMATIGUT akileraaruteqaataasussaapput, taassumalu aningaasarsiaanut akileraaruteqaataasussanut ilanngunneqartussaallutik.

- Ilaqtariit 2024-mi januarimi sulinngiffeqarnermi angalapput. Angalanermut aningaasartuutit Pipaluup sulisitsuata akilerpai. Angalaneq taanna angalasunut tamanut akileraaruteqaataasussaannqilaq – taamaallaat maleruagassanit immikkoortoq 3.3-mi allaaserineqartunit killeqartinneqarluni. Aningaasartuutit akileraaruteqaataasussaannqillat, tassami Pipaluup piumasaqaatit 3-t qulaani taaneqartut eqquutsimmagit.
- Suluup piumasaqaatit aamma eqquutsippai. Kisianni januarimi sulinngiffeqarneq Pipaluup sulisitsisuanit akilerneqarmat Suluup piumasaqaat 2 eqquutsikkunnaarpaa.
- Tamanna isumaqarpoq: Suluk 2024-mi sulinngiffeqarnermi sulisitsisumit akiliunneqarluni angalanissamik neqeroorfigineqarpat, taava Pipaluup meeqqallu angalanerannut aningaasartuutit Sulummut akileraaruteqaataasussaapput.

Taakku saniatigut atuuppog:

Sulisoq ukiup aningaasarsiorfiusup ataatsip iluani ilaqtutani ilagalugit angalanernik sulisitsisup akiligaanik amerlanerusunik tunineqarpat, taava sulisoq angalaqqinnerni taakkunani *ilaquttami angalanerannut aningaasartuutininik* akileraarusiiffiqineqassaaq.

Assersuut: Ukiup ataatsip ingerlanerani sulinngiffeqarnermi akiliunneqarluni angalanerit arlaqartut

- Pipaluk 2024-mi januarimi sulinngiffeqarnermi ilaqtutanilu sulisitsisup akiligaanik angalapput. Ilaqtariit tamarmik angalanerannut aningaasartuutit (inooqat aamma meeqqat 18-it inorlugit ukiullit) sulisumut akileraaruteqaataasannqillat – taamaallorli takuuk immikkoortoq 3.3-mi sukumiisumik nassuiaat.
- Ukiumi tassani septemberimi sulinngiffeqarnermi Pipaluk ilaqtutanilu sulisitsisup akiligaanik angalaqqipput.
- Kisianni Pipaluk 2024-mi ilaqtutanilu sulisitsisup akiligaanik angalereermata, Suluup meeqqallu angalanerannut tassunga aningaasartuutit Pipalummut akileraaruteqaataasussaapput.

Assersuut: Sulinngiffeqarnermi ilaqtutat 18-ileereersut ilagalugit akiliunneqarluni angalanerit immikkoortoq 3.1-imi maleruagassat malillugit tunniunneqartut

Takorluukkit ilaqtariit Kuitsekkut, tassaasut angajoqqaat Elvira aamma Petrus kiisalu qitornaat Hans (14-inik ukiulik), Hanne (17-inik ukiulik) aamma Patrick (23-nik ukiulik).

- Elvirap piumasaqaatit 3.1-imiittut eqquutsippai, taamaalillunilu ilaqtutani ilagalugit sulisitsisumi akiligaanik Sisimiuniit Københavnimut uterlugulu angalallutik.
- Ilaqtariit tamarmik angalanerannut aningaasartuutit, Patrickip angalaneranut aningaasartuutit, 8.000 kr.-it kisiisa pinnagit akileraaruteqaataasussaannqillat.
- 8.000 kr.-it taakku Elvirap aningaasarsiaanut A-nut akileraaruteqaataasussanut ilanngunneqassapput, tassami qitornaq 18-it sinnerlugit ukiulik sulisitsisup akiliummagu.

Eqikkaaneq:

Ilaquttat (inooqat aamma qitornat 18-it inorlugit ukiullit) sulinngiffeqarnermi akiliunneqarluni angalanermik akilaraaruteqaataasussanngitsumik ukiumut annerpaamik 1-imik tunineqarsinnaapput. Ukiup aningaasarsiorfiup ataatsip iluani sulinngiffeqarnermi akiliunneqarluni angalanerit allat sulisitsisup akilerpagit, taava ilaquttat angalanerannut aningaasartuutit sulisumut akilaraaruteqaataasussaapput.

3.1.1 Angalanerit feriefondenit akilerneqartut

Angalanernut feriefondenit akilerneqartunut tunngatillugu akilaraartarnermi maleruagassat, maleruagassat tjenestemandinut atuuttut assigaat.

Ilaasortap taassumalu inooqataata kiisalu qitornat 18-it inorlugit ukiullit angalanerat feriefondep akilerpagu, taanna immikkoortoq 3.3-mi maleruagassat malillugit akilaraaruteqaataasussaannngilaq. Allaassutituaasoq tassaavoq feriefondenut ilaasortat ukiut tamaasa pinnatik, taamaallaalli ukiut allortarlugit akiliunneqarlutik angalasinnaammata. Sulinngiffeqarnermi feriefondemit akiliunneqarluni angalanermik tunineqarnissamut piunasaqaatit erseqqinnerusut feriefondenit ataasiakkaanit allaaserineqarnikuupput. Taakkuli akilaraartarnermi maleruagassanik allannguinngillat.

3.2 Ilaquttat angalanerisa sulisitsisumit akilerneqartut akilaraarutitigut nalingat

Sulisup ilaquataasa angalanerannut aningaasartuutit sulisumut akilaraaruteqaataassappata, taava aningaasartuutit taakku akilaraarutitaat sulisup akiligassarai. Sulisup aningaasartuutiniq akilaraarusiiffigineqartarnera qanoq pisarnersoq ataani paasilluarsinnaavat.

3.2.1 Naliliussatut aalajangersakkat malillugit akilaraarusiisarneq

Tunngaviatigut imaappoq, sulisoq timmisartumut billetsip akivia tunngavigalugu akilaraarusiiffigineqartarluni. Tamanna pingaarnertut maleruagassaavoq amerlanerpaatigut atuuttuusooq.

Taamaakkaluartoq Kalaallit Nunaanni isorliunerusuniit, soorlu Qaanaamiit, Tasiilamiit Ittoqortoormiiniillu angalanerit annerpaaffissatut naliliussat malillugit nalilerneqarsinnaapput. Naliliussat taassuma saniatigut aamma *atortinneqarsinnaapput* angalanerup akia allatut uppernarsarneqarsinnaanngippat.

Naliliussat Akilaraartarnermut Aqutsisoqarfiup najoqqutassiaani, www.aka.gl-imi 'nalunaarutit' ataani allaqqapput.

Naliliussat angalanerup akilaraarutitigut nalingata annerpaaffissarai. Ukiumut aningaasarsiorfimmut 2024-mut naliliussat makkuupput:

Inummut ataatsimut akiliunneqarluni angalaneq ataaseq kr. 18.592.

Meeqqamut 2-niit 11-nik ukiulimmut ataatsimut kr. 9.296.

Meeqqamut 2-t inorlugit ukiulimmut ataatsimut kr. 1.850.

Erseqqissassallugu pingaaruteqarpoq sulisoq naliliussaq malillugu akileraarusiiffigineqartussaammat. Assersuutigalugu sulisoq Kommuneqarfik Sermersuumi najugaqaruni, taava naliliussap 42%-iinik akileraassaaq.

Assersuut: Sulinngiffeqarnermi Qaanaamiit KBH-imut akiliunneqarluni angalaney (ilaquttat angalanerannut aningaasartuutit akileraaruteqaataasussaapput)

- Takorluukkit ilaqutariit Daoranakkut Qaanaameersut. Tassaapput Piitaaq aamma Hansine meerarlu ataaseq 8-nik ukiulik.
- Piitaaq Qaanaamiit Københavnimut uterlugulu angalanermit akiliunneqarpoq.
- Piitap angalanera akileraaruteqaataasussaannigilaq, angalanerimmi sulisitsisumit akilerneqartut tamarmik sulisumut akileraaruteqaataasussaannigimmata. Piitalli Hansinep meeqqallu angalanerannut aningaasartuutit akileraaruteqaatigissavai, Piitammi piumasaaqatit immikkoortuni 3.1-imi aamma 3.1.1-imi allaaserineqartut suli eqquutsinngimmagit.
- Hansinep meeqqallu timmisartumut billetsii nut aningaasartuutit tassaapput: 25.000 kr. (Hansine) + 12.000 kr. (meeraq).
- Pisumi tassani Piitaaq naliliussat akileraarutitigut nalingisa annerpaaffissaannik akileraarusiiffigineqassaaq, taakkulu 2024-mi tassaapput: 18.592 kr. (inooqat) + 9.296 kr. (qitornaq) = 27.888 kr.
- Tassa imaappoq Piitaaq 12.270 kr.-inik akileraassaaq. Tassunga pissutaavoq Piitap Avannaata Kommuniyani 2024-mi najugaqarnera, taamaammallu 44%-inik akileraartussaanaera.

3.2.1.1 Naliliussatut aalajangersakkat allanut atorneqartarnerat: Aningaasartuutit sulisitsisup uppersaatisaartinnigipagit

Sulisitsisup angalanermit aningaasartuutit sulisitsisunik nakkutilliiartortoqassagaluarpat uppersarsinnaannigipagit, taava Akileraartarnermit Aqutsisoqarfiup naliliussat akileraarusiinermi tunngavissarai. Immikkoortoq 6.0-imi annertunerusumik paasisaqarit.

3.2.2 Angalanerup akivia malillugu akileraarusiisarney

Sulisoq angalanerup akivia tunngavigalugu akileraaruserneqartussaavoq. Akileraartarnermit Aqutsisoqarfik sulisitsisunik nakkutilliiartussagaluarpat aki taanna sulisitsisup uppersarsinnaasariaqarpaa.

Assersuut: Sulinngiffeqarnermi Qaqortumiit Nuummut akiliunneqarluni angalaneq (ilaquttat angalanerannut aningaasartuutit akileraaruteqaataasussaapput)

- Takorluukkit ilaqutariit Kreutzmannikkut, tassaasut Naja, Aviaaja aamma meeqqat marluk 1-imik 4-nillu ukiullit.
- Naja, Aviaaja meeraallu marluk akiliunneqarlutik Qaqortumiit Nuummut angalapput.
- Najap billeetsianut aningaasartuutit akileraaruteqaataasussaannngillat, kisianni Aviaajap meeqqallu angalanerannut aningaasartuutit Najap akileraaruteqaatigissavai, tassami Najap piumasaqaatit immikkoortoq 3.1-imiittut 3.1.1-imiittullu sulii eqquutsinngimmagit. Taakku angalanerannut aningaasartuutiviit tassaapput:

Aviaaja: 8.000 kr.

Meeraq ataatsimik ukiulik: 1.200 kr.

Meeraq 4-nik ukiulik: 4.000 kr.

Katillugit: 13.200 kr.

Taamaalilluni Naja pisumi tassani 13.200-init akileraarusiiffigineqassaaq. Procenti akileraarusiissut 42%-iummat Najap 5.544 kr.-it akileraarutigissavai.

3.3 Angalanerit pineqartunut ilaatinneqanngitsut, immikkoortoq 3.1-imi taaneqartut akileraarutitigut nalingat, taakkunungalu immikkut maleruagassat

Sulisoq *sulinngiffeqarnermi akiliunneqarluni angalanermik* sulisitsisup akiligaanik, maleruagassani 3.1-mi aamma 3.1.1-imi allaaserineqartuni ilaasumik tunineqarpat, taava angalanerup ilaa sulisup ilaqutaanut tunngasoq sorleq sulisumut akileraaruteqaataasussaannnginnersoq, sorlerlu akileraaruteqaataasussaannersoq pillugit maleruagassat aalajangersimasut atuupput. Taamaalillutik ataani allaqqasut sulisitsisup akiligaanik angalanernut, maleruagassami pineqartunut ilaatinneqanngitsuinnarnut atuupput.

Angalanernut taakkunungarpiaq atuuttoq tassaavoq, ilaquttat (inooqatip aamma qitornat 18-it inorlugit ukiullit) angalanerannut aningaasartuutit ilaat, ornitanut makkunungaannaq tunngasut kisimik akileraaruteqaataasussaannnginnerat:

A. Kalaallit Nunaata iluani – uterlugulu. (soorlu Ittoqqortoormiiniit Aasiannut)

B. Kalaallit Nunaanniit toqqaannartumik ornitanut allanut - uterlugulu.

- Soorlu Danmarkimut, Norgemut, Islandimut, Iqalunnut, Canadamut, Savalimmiunut imaluunniit USA-mut.
- *Piumasaqaataavoq aqqu tip toqqaannartuunissaa.*

3.3.1: Ilaqutaasup akiliunneqarluni angalanera akileraaruteqaataasusaaanngitsoq qanoq akeqarsinnaava?

3.3.1.1 Kalaallit Nunaata iluani angalanerit

Immikkoortoq A:

Angalanerup immikkoortoq A-mi pineqartup akia annerpaaffissaqanngilaq. Aningaasartuutit sulisumut akileraaruteqaataasusaaanngillat, apeqqutaanini akia qanoq qaffasitsiginersoq – uani assersuutigineqarput ilaqutariit Hansenikkut, tassaasut Pitera, Ivalu aamma meeqqat marluk 18-it inorlugit ukiullit.

Taamaattorli billetsip sapinngisamik akikinnerpaq toqqarneqassaaq, taannalu Akileraartarnermut Aqutsisoqarfiup piumasaqarneratigut uppersarneqarsinnaassaaq. Taamaattumik pisiarineranut uppersaat tamatigut toqqortarineqartassaaq, piffissamilu pisiarineqarfiani akit allassimaffiat assilineqartassalluni.

Assersuut: Kalaallit Nunaata iluani siumut utimullu angalaneg

- Ivalup piumasaqaatit immikkoortoq 3.1-imi allaaserineqartut eqquutsippai, taamaalillunilu sulisitsisup akiligaanik ilaqtutani ilagalugit angalallutik.
- Tasiilamiit Sisimiunut angalapput.
- Ilaqtariit angalanerannut aningaasartuutaapput 60.000 kr.-it. Aningaasartuutit Ivalumut akileraaruteqaataasusaaanngillat.

3.3.1.1.1 Kalaallit Nunaat qimannagu sulinngiffeqarneq pillugu immikkut maleruagassaq

Kalaallit Nunaata iluani sulinngiffeqarnermi angalanerit sulisitsisumit akilerneqartut (nuna qimannagu angalanerit) pillugit immikkut maleruagassaq atuuppoq:

Taamaattoqarnerani ornitami akunnittarfimmi unnuinerit angalanermit aningaasartuutit akileraaruteqaataasusaaanngitsunut ilanngunneqarsinnaapput. Taassumali killigaa najukkamiit Københavni billetsip nalinginnaasup akikinnerpaap (akikinnermi) akigisinnaasaata killinga. Tamanna sulisumut tamatigut atuuppoq kiisalu ilaqtutannut, taakkua angalanerannut aningaasartuutit 3.1-imi aamma 3.1.1-imi maleruagassaq malillugu akileraaruteqaataasusaaanngippata. Unnuinermit aningaasartuutit taassuminnga amerlanerussutaasut sulisumut akileraaruteqaataassapput. Timmisartornissap unnuinissallu ataatsikkut inniminnerneqarsimanissaat piumasaqaataavoq.

Assersuut: Ilaqtariit Petersenikkut Paamiuneersut sulinngiffeqarnermi sulisitsisup akiligaanik Nuummum angalapput

Takorluukkit ilaqtariit Petersenikkut, tassaasut aappariit Per aamma Gitte aammalu paniat Malou 16-inik ukiulik.

- Perip piunasaqaatit immikkoortoq 3.1-imi allaaserineqartut eqquutsippai, taamaalillunilu sulinnigiffeqarnermi ilaqtutani (Gitte aamma Malou) ilagalugit sulisitsisup akiligaanik angalallutik.
- Angalaneq nuna qimannagu sulinnigiffeqarneruvoq –Paamiuniit Nuummut.
- Taamaammat ilaqtutariit Nuummi akunnittarfimmi unnuinitik akileraaruteqaataasussaannigsumik akilersissinnaavaat – taamaattorli akimut killiliussaq aalajangersimasoq tikillugu.
- Pisumi tassani Paamiuniit Københavnimut uterlugulu billetsii akikinnerpaaq inummumut ataatsimut 16.800 kr.-inik akeqarpoq.
- Pisumi tassani Paamiuniit Nuummut uterlugulu billetsii akikinnerpaaq inummumut ataatsimut 5.100 kr.-inik akeqarpoq.
- Taamaammat ilaqtutariit Petersenikkut billetsii taakku marluk akiisa assigiinngissutaat: inummumut ataatsimut 11.700 kr.-it, akunnittarfimmi unnuinnermut atorsinnaavaat.
- Ilaqtutariit Petersenikkut akunnittarfimmi unnuani 10-ni unnuippumut inummumut ataatsimut 1000 kr.-inik akeqartumik – tassa imaappoq akunnittarfimmi unnuinnerit inummumut ataatsimut katillugit 10.000 kr.-it.
- Timmisartumut billetsii akunnittarfimmilu unnuineq inummumut ataatsimut katillutik 15.100 kr.-iupput. Taamaalillutik ilaqtutariit timmisartumut billetsii akunnittarfimmilu unnuinneri Perimut akileraaruteqaataasussaannigillat, tassami inummumut ataatsimut akiat 16.800 kr.-init appasinnerummat.

Assersuut: Ilaqtutariit Lyngekkkut Aasiannersut sulinnigiffeqarnermi sulisitsisup akiligaanik Sisimiunumut angalapput

Takorluukkit ilaqtutariit Lyngekkkut, tassaasut aapparit Aqqaluk aamma Elvira, taakkulu ernerat Otto 14-inik ukiulik.

- Aqqaluup piunasaqaatit immikkoortoq 3.1-imi allaaserineqartut eqquutsippai, taamaalillunilu sulinnigiffeqarnermi ilaqtutani (Elvira aamma Otto) ilagalugit sulisitsisup akiligaanik angalallutik.
- Angalaneq nuna qimannagu sulinnigiffeqarneruvoq –Aasianniit Sisimiunumut uterlugulu.
- Taamaammat ilaqtutariit Sisimiuni akunnittarfimmi unnuinitik akileraaruteqaataasussaannigsumik akilersissinnaavaat – taamaattorli akimut killiliussaq aalajangersimasoq tikillugu.
- Pisumi tassani Aasianniit Københavnimut uterlugulu billetsii akikinnerpaaq inummumut ataatsimut 13.000 kr.-inik akeqarpoq.
- Pisumi tassani Aasianniit Sisimiunumut uterlugulu billetsii akikinnerpaaq inummumut ataatsimut 6.000 kr.-inik akeqarpoq.
- Taamaammat ilaqtutariit Lyngekkkut billetsii taakku marluk akiisa assigiinngissutaat: inummumut ataatsimut 7.000 kr.-it, akunnittarfimmi unnuinnermut atorsinnaavaat.
- Ilaqtutariit Lyngekkkut akunnittarfimmi unnuani 10-ni unnuippumut inummumut ataatsimut 1000 kr.-inik akeqartumik – tassa imaappoq akunnittarfimmi unnuinnerit inummumut ataatsimut katillugit 10.000 kr.-it.
- Timmisartumut billetsii akunnittarfimmilu unnuinnerit inummumut ataatsimut katillutik 16.000 kr.-inik akeqarput. Taamaalillutik akiat inummumut ataatsimut akianut killiliussamut 3.000 kr.-inik qaffasinneruvoq.
- Taamaattumik Aqqaluk 9.000 kr.-init akileraarusiiffineqassaaq (3x3.000).
- Tamanna Aqqaluup akissarsiaasa allagartaanni aningaarsiatut allaqqassaaq, taavalu

Kommune Qeqertalimmi akileraarusiissut atuuttoq malillugu akileraarusigassaalluni.

○

3.3.1.2 Kalaallit Nunaanniit nunanut allanut toqqaannartumik angalnerit

Immikkoortoq B:

Immikkoortoq B-mut tunngatillugu maleruagassaq alla atuuppoq. Uani billetsit nalinginnaasooq akikinnerpaaq (akikinnermi) pinngitsoorani toqqarneqassaaq. Taassumalu saniatigut toqqaannartumik ornitanut, Københavniuunngitsumut billetsit akiata, Kalaallit Nunaanni suliffigisamiit/najukkamiit Københavnimut billetsit nalinginnaasup akikinnerpaap akia qaangersimassanngilaa.

Akia taassumanga angineruppat, taava aningaasat akisunerussutaasut sulisumut akileraaruteqaataasussaassapput.

Assersuut: Ilaqutariit akiliunneqarlutik angalaneranni billetsit akisunerit sulisitsisumit akilerneqartut

Takorluukkit ilaqutariit Mørchikkut, tassaasut Laura, Henrik aamma meeqqat marluk 6-inik ukiullit.

- Laurap piumasagaatit immikkoortoq 3.1-imi allaaserineqartut eqquutsippai, taamaalillunilu sulinngiffeqarnermi ilaqtutani (Hinnarik meeqqallu marluk 6-inik ukiullit) ilagalugit sulisitsisup akiligaanik angalalluni.
- Angalaneq Nuummiit New Yorkimut toqqaannartuuvoq. Laurap angalaneranut aningaasartuutit akileraaruteqaataasussaannngillat.
- Kisianni: ilaqutariit billetsit akisunerpaat atorlugit angalanerput. Pisumi tassani Hinnariup meeqqallu angalanerannut aningaasartuutit Nuummiit Københavnimut uterlugulu billetsit nalinginnaasut (akikinnermi) akiannit amerlanerupput.
- Taamaattumik Laurap aningaasat Nuummiit Københavnimut uterlugulu billetsit nalinginnaasup akianit amerlanerussutaasut akileraarutaat akilissavai.
- Hinnariup meeqqallu angalanerannut aningaasartuutit Nuummiit Københavnimut uterlugulu angalanermit billetsit nalinginnaasup akikinnerpaap akianit 8.000 kr.-inik amerlanerupput.
- Taamaattumik Laura 8.000 kr.-init (42%-imik) akileraarusiiffigineqassaaq.
- Tassa Laura Hinnariup meeqqallu angalanerannut 3.360 kr.-inik akileraassaaq.

3.3.2. Sulisup ilaquataasa sulisitsisup akiligaanik angalanerat ilaannakuusumik akileraaruteqaataasussaannngitsoq

Sulisup piumasagaatit immikkoortoq 3.1-imi imaluunniit 3.1.1-imi allaaserineqartut eqquutsippagit, taamaalillunilu ilaqtutani ilagalugit sulisitsisumi akiligaanik ornitanut immikkoortuni A-mi B-milu taaneqartunut ilaannngitsunut angalalluni, taava sulisup angalaneranut aningaasartuutit sulisumut akileraaruteqaataasussaannngillat.

Akerlianik ilaqtut ornitanut immikkoortoq A-mi B-milu allaaserineqartunut ilanngitsunut angalanerannut aningaasartuutit sulisumut akileraaruteqaataasussaassapput. Allatut oqaatigalugu: Kalaallit Nunaata aamma ornitap akornanni akunnittoqassappat, taava ilaquataasut akunniffimmiit

ornitamut angalanerannut aningaasartuutit sulisumut akileraaruteqaataasussaapput.

Uani assersuut takuuk ilaqutariinnut Lyberthikkunnt Qaanaameersunut tunngasoq, tassaapput Hanne aamma Paalusi.

Assersuut: Akiliunneqarluni nunamut allamut angalaneq Danmarkimi akunninnertalik.

- Paalusip piumasagaatit immikkoortoq 3.1-imi allaaserineqartut eqquutsippai, taamaalillunilu sulinnigiffeqarnermi Hanne ilagalugu Parisimut akiliunneqarlutik angalalluni. Kalaallit Nunaanniit Parisimut toqqaannartumik aqquteqanngilaq, taamaammallu Paalusi Hannelu Københavniimi akunnittariaqarput.
- Paalusip angalanera akileraaruteqaataasussaangilaq. Hannelli angalanerata ilaa Paalusimut akileraaruteqaataasaaq:
 - *Hannep angalanerata ilaa siulleg:* Hannep Qaanaamiit Københavnimut uterlugulu angalaneranut billetsit nalinginnaasoq 22.000 kr.-eqarpoq. Aningaasartuutit taakku Paalusimut akileraaruteqaataasussaangillat.
 - *Hannep angalanerata ilaa kingulleq:* Hannep Københavniimiit Parisimut uterlugulu angalanera 7.000 kr.-eqarpoq. Aningaasartuutit taakku Paalusimut akileraaruteqaataasapput.
- Paalusip 7.000 kr.-it 42% -iat akileraarutigissavaa.
 - Taamaalilluni Hannep aningalaneranut aningaasartuutit akileraarutaat 2.940 kr.-it Paalusip akilissavai.

4. Atorfinikkiartornermi soraarnermilu angalanerit

Najukkap suliffigisallu akornanni angalanerit tassaapput atorfinikkiartornermi atorfimmillu soraarnermi angalanerit. Tassaasinnaapput Nuummiit Qaqortumut imaluunniit Odensemiiit Aasiannut. Taakkunani maleruagassat ukuupput:

- Angalaneq sulisup najugaqqaavaniit suliffissamut sulisup najugariligassaanut angalanerussaag. Tassa imaappoq sulisup suliffigisamini nutaami najugaqalernissaa piumasagaataavoq.
- Atorfinikkiartornermi atorfimmillu soraarnermi angalanerit aningaasartuutit akileraaruteqaataasussaangillat – sulisumut taassumalu ilaqutaanut.
- Angalanerup atorfinikkiartornermi atorfimmillu soraarnermi angalanertut isigineqarnissaanut sulisup taassumalu inoqutaasa ataatsikkut angalanissaat piumasagaataanngilaq.

Assersuut: Ilaqutariit Paviassenikkut, tassaasut Pilu, Nivi aamma ernerat Malik (2-nik ukiulik)

- Ilaqutariit Paviassenikkut Sisimiuniit Nuummut nuuttussaapput, Nivip nutaamik atorfininnera

pissutigalugu.

- Ilaqtariit tamarmik angalanerat Nivip sulisitsisortaavata akilissavaa.
- Nivi aamma Malik 1. marts aallarput, kisianni Pilup Sisimiuni suliani naammasseqqaartussaavaa. Taamaattumik Pilu aatsaat Nuummumut aallarpoq 1. april.
- Angalanernut tamanut aningaasartuutit Nivimut akileraaruteqaataasussaangillat.

4.1. Allamut nuutsinneqarnermi angalanerit

Sulisuq allamut nuutsinneqarnerminut atatillugu angalappat maleruagassaq 4.0-imiittoq taamatulli atuutissaq.

Assersuut: Nuummiit Ilulissanut nuutsinneqarnermut atatillugu angalaneq

Ilaqtariit Fleischerikkut, tassaasut Poul, Esther ernerallu Jakob.

- Poul suliffeqarfissuarmi nuna tamakkerlugu immikkoortortaartumi sulisuuvoq. Nuummi allaffimmiit Ilulissani allaffimmut nuutsinneqarpoq.
- Poulip ilaqtutani nooqatigai.
- Ilaqtariit Nuummiit Ilulissanut angalanerannut aningaasartuutit Poulimut akileraaruteqaataasussaangillat.

5. Qanigisat napparsimarulunneranni toquneranniluunniit angalanerit

Sulisup qanigisami napparsimarulunnerani, qanigisap toqujartornerani imaluunniit toqunerani/ilisaanissaani angalaneranut aningaasartuutit sulisitsisumit kimilluunniit akilerneqarsinnaapput.

Angalanerit taamaattut sulisumut akileraaruteqaataasussaangillat.

Assersuut: Ilaquttap qaniginerpaasap napparsimarulunnerani angalaneq

- Bentep anaanaa napparsimarululerpoq. Anaanaa Nuummi najugaqartoq Bente Maniitsumi najugaqarpoq.
- Bentep Nuummumut uterlugulu timmisartumut billeteria sulisitsisup akilerpaa.
- Billeterimut aningaasartuutit Bentemut akileraaruteqaataasussaangillat.

6. Angalanernut sulisitsisumit akilerneqartunut aningaasartuutit akilaraaruteqaataasussat pillugit sulisitsisup suliassai

Sulisitsisut sulisumik angalanerannut aningaasartuutit akilaraaruteqaataasussanik akiliisut tamarmik pisussaapput taakku akilaraarutitigut nalingannit akilaraarutit A-t unerartissallugit, nalingallu taanna Akileraartarnermut Aqutsisoqarfimmut nalunaarutigissallugu.

Erseqqissaatigissallugu pingaaruteqarpoq sulisitsisup angalanernut aningaasartuutit akilaraaruteqaataasussaangitsut *nalunaarutigissanngimmagit.*

Sulisitsisoq angalaneranut sulisitsisup akiligaanut akilaraaruteqaataasussamut aningaasartuuteqarsimaguni imaaliussaaq:

- Akilaraarutit A-t unerartissavai.
- Angalanerit nalingi akilaraaruteqaataasussat qaammatit tamaasa Akileraartarnermut Aqutsisoqarfimmut nalunaarutigissavai (Immersugassaq A1) Immersugassat www.Sulinal.gl-imi ilitsersuutit immersugassallu ataani nassaassaapput.

6.1. Piffissaq akilaraarusiiffissaq

Qaammammi, angalanissap pisiarinqarfiani angalaneranut aningaasartuutit akilaraaruteqaataasussat nalingat sulisitsisup akilaraarutitigut unerartitsiffigissavaa. Piffissaq pisiarinqarfia tassaavoq piffissaq akilaraaruserneqarfissanngorfia.

Angalanerup sulisitsisumit akilerneqartup akilaraaruteqaataasussap nalinga akilaraartussaasup, ukiumi aningaasarsiorfiusumi angalanerup pisiarinqarfiani aningaasarsiaanut akilaraaruteqaataasussanut ilanngunneqartussaavoq.

Apeqqutaanngilaq angalaneq ukiumi aningaasarsiorfimmi kingusinnerusumi aatsaat pinersaq pinnginnorsorluunniit.

Assersuut: **Sulinngiffeqarnermi angalaneq november 2023-mi akilerneqartoq, aatsaalli 2024-mi pisoq**

- Soorlu immikkoortoq 3.3.2-mi allaaserineqartoq Hannep angalaneranut aningaasartuutit 7.000 kr.-inik naleqartut akilaraarutaat Paalusip akilissavai.
- Paalusikkut Hannelu 2024-imi martsimi sulinngiffeqarnermi angalapput. Angalanissarli 2023-mi

novemberimili pisiarinearpoq.

- Angalanissaq 2023-mi pisiarinearpmat ukioq aningaasarsiorfik akileraarusiiffissaq tassaavoq 2023.
- Taamaattumik angalanissap akileraarutigut nalinga (7.000 kr.-it) Paalusip sulisitsisuata 2023-mi novemberimut A1-ikkut nalunaarutigissavaa. Aammali Paalusip sulisitsisuata akileraarusiineq agguarlugu 2023-mi novemberimi aamma 2023-mi decemberimi A1-ikkut nalunaarutigisinnaavaa.

Assersuut: Sulinngiffeqarnermi angalaneq 31. december 2023-mi akilerneqartoq, aatsaalli 2024-mi pisoq

- Takorlooruk Paalusip angalanissaa 31. december 2023-mi pisiarinearqartoq. Hannelu angalanerat allanngortinnagu tassaattipparput 2024-mi martsimi.
- Taamaattoqaraluartoq Hannep angalaneranut aningaasartuutit Paalusip sulisitsisuata aatsaat januar 2024-mi akissarsianut allagartaanut ilanngussinnaavai.
- Paalusi 2024-mi akileraarusiiffiqeqaraluartoq, angalaneq 2023-mi pisiarinearqartutut isigineqaannassaaq.
- Taamaammatt Paalusi Hannep, soorlu 2024-imi julimi sulinngiffeqarnermi akiliunneqarluni angalanissaani ilaasinnaavoq, namminerimi martsimi atugaa ukiumi aningaasarsiorfimmi 2023-mili pisuummat. Sulisitsisup uppersarsinnaaginnassavaa 2024-mi martsimi angalaneq 2023-mili pisiaasoq, taamaattumillu ukiumut aningaasarsiorfimmu allamut tunngasuusoq.

Assersuut: Sulisut siumoortumik akissarsiallit sulinngiffeqarnermi angalanerat

- Sulisoq siumoortumik akissarsiaqarpat, taava akileraarusiineq akissarsiat allagartaanni tulliuuttumi pissaq.
- Assersuummi qulaaniittumi maleruagassaq uanissaaq atuuppoq: Piffissaq angalanerup pisiarinearfia tassaavoq piffissaq akileraarusiiffissaq.
- Taamaammatt sulisoq ukiumi tassani, soorlu 2024-mi julimi sulinngiffeqarnermi ilaquuttani ilagalugit akileraaruteqanngitsumik akiliunneqarluni angalaqqissinnaavoq, tassami sulinngiffeqarnini siulleq ukiumut aningaasarsiorfimmu 2023-mut tunngassuteqarpat, naak siumoortumik akissarsiami allagartaani 2024-mi januarimi februarimiluunniit akileraarusiiffiqeqarsimagaluarluni. Angalanerup siulliup 2023-mi pisiaasimanera, taamaattumillu ukiumut aningaasarsiorfimmu allamut tunngasuunera sulisitsisup uppersarsinnaaginnassavaa.

6.2. Angalanermut aningaasartuutit nalingisa Akileraartarnermut Aqutsisoqarfimmu nalunaarutigineqarneranni uppersarsaatissat

Angalanermut sulisitsisup akiligaanut aningaasartuutit pillugit uppersarsaatini naammattunik, Akileraartarnermut Aqutsisoqarfiup sulisitsisunik nakkutilliinerani takutitsinissaq sulisitsisup *pisussaaffigaa*.

6.3. Sulisitsisoq angalanermut aningaasartuutinik akileraaruteqaataasussanik nalunaaruteqanngippat, akileraarutitaannillu akiliinngippat kingunerisassai

Sulisitsisoq piaaraluneerluni mianersuaalliorujussuarluniluunniit angalanerit sulisitsisumit akilerneqartut akileraaruteqaataasussat nalinginik nalunaaruteqanngippat akileraarutaannilluunniit akiliinngippat, tamanna sulisitsisup akiliisitsinikkut pineqaatissinneqarnissaanik kinguneqarsinnaavoq.

Angalanermut aningaasartuutit akileraaruteqaataasusnaanerat akileraaruteqaataasussaannginneralluunniit illit sulisitsisutut nalornissutigigukku, tamanna ilitersuummi uani assersuutini akissutissarsiniarsinnaavat. Erseqqissumik akissutissarsinngikkukku Akileraartarnermut Aqutsisoqarfimmut saaffiginninnissannut tikilluaqqusaakutsoorputit. Immikkoortoq 7.0-imi annertunerusumik paasisaqarit.

7. Attavissat pillugit paasisutissat

Sulisitsisup akiligaanik angalanerit akileraaruserneqartarnerat pillugu maleruagassat periaaserlu atuuttut pillugit allanik apeqqutissaqaruit taakku assigiinngitsunut paasinarsinnaavatit, matumani aamma Akileraartarnermut Aqutsisoqarfiup sulisitsisunik nalunaarsuiffianut imaluunniit innuttaasunik sullissivianut:

- Sulinal (Sulisitsisut nalunaarsorsimaffiat)
 - Akileraarutit A-t, akissarsiat allagartaat, sulisitsisut nalunaarutaat, fakturat & ernianik akiliisitsissutinillu akiligassiinerit, sulisitsisunik ilitersuineq.
 - Oqar.: 34 60 81
 - E-mail: sulinal@nanoq.gl

- Akileraartarnermut Aqutsisoqarfiup Innuttaasunik sullissivia – nammineq ornigulluni
 - Akileraartarnermut Aqutsisoqarfiup Innuttaasunik sullissiaviisa Qaqortumi, Nuummi, Maniitsumi, Sisimiuni Ilulissanilu akileraarutit pillugit apeqqutissaqaruit ikiorsinnaavaatsit.
 - *Ammasarfii:*
 - Ataasinngorneq, marlunngorneq aamma tallimannngorneq: 10:00 - 15:00
 - Sisamannngorneq: 10:00 - 17:00
 - Pingasunngorneq: Matoqqasarput

- Innuttaasunik sullissivik – Oqarasuaatikkut
 - Innuttaasunik sullissivik aamma oqarasuaatikkut attavigisinnaavat
 - Oqarasuaat: 34 65 10
 - *Oqarasuaatikkut ammasarfii:*
 - Ataasinngorneq, marlunngorneq, pingasunngorneq aamma tallimannngorneq: 09:00 - 15:00
 - Sisamannngorneq: 09:00 - 17:00

EQQAAMAJUK: Akileraartarnermut Aqutsisoqarfiup akileraarutit pillugit allakkat amerlanerpaartaat qarasaasiakkut nassiussortarpai. Taamaattumik illit eBoksit akuttunngitsumik takusassavat, Akileraartarnermut Aqutsisoqarfiup piffissaliussaa, akuersissutaa saaffiginnissutaaluunniit pingaarutilik takkuitsoorumanagu. Aammaarluta: Nalornissuteqaruit saaffigissalluta nangaassuteqassanngilatit.

WWW.AKA.GL

Akilerartarnermut Aqutsisoqarfik Intaleqqap Aqqutaa nr. 1

Postboks 1605

3900 Nuuk